

**Theologia Scholastica Secundum Viam Et Doctrinam D.
Thomæ Aquinatis, Doctoris Angelici**

In Celebri Archiepiscopali Benedictina Universitate Salisburgensi, methodo
& norma ibidem usitata publicè tradita, & in IV. Tomos digesta ; Qvorvm
Primvs Tractat De Deo Vno Et Trino, Deq[ue] Creatura Angelica ...

Mezger, Paul

Augustæ Vindelicorum, 1695

§. I. Statuitur sententia affirmans.

[urn:nbn:de:hbz:466:1-74152](#)

vilem. *Lex aeterna*, ut describit S. D. q. 93. a. 1. est ratio divine Sapientie secundum quod est diversa omnium actuum & motionum in bonum publicum totius universi, quod est gloria DEI. Ubi si Tō motionum generatim sumatur cum inclusione motionum irrationalium, lex aeterna in proprio & latiori sensu accipitur: si restringatur ad motus, seu actus liberos creature rationalis, qui soli sunt proxima legum materia, tunc in proprio sensu accipitur. *Lex naturalis Doctori Angelico* est *impresso divini luminis in creatura rationali*, quo inclinatur in debitum actum & finem. *Lex positiva* est quae ex liberali magistratus determinatione facienda vel omittenda decernit, & quia lex ab Ecclesiastico magistratu late per antonomasiam canon dicitur, ideo *lex Ecclesiastica Canonica* dicitur, & *Jus Pontificium ex eiusmodi canonibus acervatum Jus Canonicum appellatur*. Leges vero magistratum secularium, tanquam institute pro bono civium *Civiles* vocantur. Alias legum subdivisiones dabunt sequentia.

ARTICULUS II.

An ḡ quomodo promulgatio sit de essentia Legis?

SUMMARIUM.

1. Promulgatio est necessarium requisitum ad substantiam legis.
2. Aliud est promulgatio, aliud legis divulgatio.
3. Promulgatio alter activè, alter passivè accipitur.
4. Promulgatio activa pertinet ad intrinsecam constitutionem legis.
5. Non autem accepta passivè.
6. Unde promulgatio activa non est applicatio legis nisi inadequata accepta.
7. Non omnis actus secundus praefaponit essentiam in actu primo.
8. Lex est actus prudentia actu obligans.
9. Promulgatio licet actu transferit, remanet virtute.
10. Quomodo verum sit, leges prius condit, quam promulgari?

§. I.

Statuitur sententia affirmans.

- C**onstat ex praeced. §. & est certum apud omnes, quod nulla lex habeat in actu secundo efficaciam obligativam subditorum, nisi sit legitime promulgata, ut adeò promulgatio pertineat ad substantiam legis in actu secundo obligantis per modum actualis regula & mensura subditis applicate. Dubium est, idque exigui momenti, an promulgatio pertineat ad formam & intrinsecam constitutionem legis; an vero sit tantummodo complementum ipsius, aut conditio sine qua non? ubi
2. Notandum primò. Longè distare promulgationem à legis divulgatione: nam divulgatio fit per simplicem communicationem notitiae: promulgatio vero per authoritatim intimacionem, seu solemnam & publicam legis propositionem.

Actus legis à S. D. q. 92. a. 1. quatuor numeris 15. rantur: videlicet imperare, vetare, permittere, punire. Nam duplex est vis & efficacia legis, directiva videlicet & coactiva. Ad primam pertinet aliqua praecipere, prohibere, permettere: Ad alteram pertinet, inflictis poenis subditos à legum transgressione prohibere.

Colligunt ex dictis differentiam inter *legem*,^{16.} *præcepium*, *privilegium*, & *consilium*. *Præcepium* à legi differt, quia non per se respicit bonum commune, unde & personis singularibus, & à quolibet superiore, Domino, patre familiis habente potestatem gubernativam imponi potest, nec est suæ naturæ perpetuum, cum per mortem præcipiens expiret. *Privilegium* quoque differt, quod tangat personas etiam privatas, & in bonum privatum sapienter referatur. Ideoque l. 1. ff. de *constitutis*. *Princ.* *privilegium* lex personalis vocatur. *Consilium* manifestè differt, quod detur à privato ad privatum sine respectu ad bonum publicum, & efficacia obligandi.

Notandum secundò. Promulgationem aliquando accipi passivè, pro signo, in quo relucet imperium, & intimatio obligativa Magistratus, e.g. *scriptura publicè affixa, vox praconis* &c. aliquando vero activè pro ipso imperio legislatoris, tanquam actu formaliter quidem immanente, virtualiter tamen transeunte, in quantum efficaciter causat, & essentialiter connotat aliquid signum manifestativum legis. Quà prænotata distinctione sit

CONCLUSIO. Promulgatio activè (2.) non 4. passivè accepta pertinet ad intrinsecam constitutionem legis. Ita videtur sentire S. D. a. 4.

Ratio 1. partis est primo. Est intrinsecum & essentialis legis, quod habeat vim obligandi: sed in esse obligatoria formaliter constituitur per promulgationem, eò quod in notitiam subditorum deducitur ex ipsa promulgatione, inquit S. D. cit. ergo promulgatio pertinet ad intrinsecam constitutionem legis.

Secundò. Lex essentialiter est intimatio & vox publica Principis, loquentis ut persona publica: sed hoc sit per publicam propositionem; ergo.

Tertiò. Lex essentialiter est regula & mensura actualis, in actu secundo mensurans humanas operationes: sed in esse talis constituitur per publicam propositionem & promulgationem; ergo.

Ratio

Ratio secunda partis est: Lex formaliter & in re^{cto} nominat ordinacionem & imperium legislatoris: ergo illa, quæ pertinent ad intrinsecam constitutionem legis, debent se tenere ex parte legislatoris: atqui solum activa promulgatio se tenet ex parte legislatoris; passivæ vero sumpta pro signo manifestativo legis, sic moraliter recipitur in ipsis subditis: ergo promulgatio non passivæ sed activæ accepta pertinet ad intrinsecam constitutionem legis. Quo tamen non obstante est requisitum essentialiter connotatum, sine quo activa promulgatio confidere, vel intelligi nequit: prout in simili de revelatione Divina, in Tractatu de fide dicemus, illam activæ sumptam esse formale motivum fiduci, passivæ vero acceptam connotari per modum essentialis requisiti.

§. II.

Solvuntur objectiones.

Objicies primò. Applicatio & approximatio causa non est formale constitutivum ipsius: sed promulgatio legis, tanquam causa obligativa, est ipsius applicatio ad subditos: ergo non est formale constitutivum legis. Minor habetur à S. D., qui legem nuncupat mensuram; promulgationem vero applicationem. Major quoque probatur: Applicatio causæ & mensuræ presupponit causam & mensuram in sua essentiali & actu primo jam constitutam: ergo eandem non constituit.

Respondeo distinguendo min. promulgatio est applicatio legis inchoative & inadequatae accepta, nempe pro regula solum aptitudinaliter mensurare, concedo; completere & adequatae accepta, pro regula publica actu mensurante, & habente efficaciam formalem actualē obligandi, nego. Si enim promulgatio non est mera applicatio sed intrinsecum complementum & constitutivum legis.

7. Objicies secundò. Actus secundus alicuius essentiae presupponit illam jam constitutam in actu primo: sed promulgatio pertinet ad actu secundum legis, quippe inducens obligationem actualē ipsius: ergo presupponit essentiam legis, eiusque virtutem obligatoriā in actu primo.

Respondeo negando, vel distinguendo majorem: nisi illa sit de genere actus secundi, concedo; si sit, nego. Nam unique inter rerum essentias continentur actus liberi, vitales, visio, imperium, locutio, consilium, revelatio, &c. quæ omnia consistunt formaliter in actu secundo. Sic

itaque lex completere sumpta non est potentialis sed actualis mensura humanorum actuum, regula & locutio publica & præceptiva Principiū, actu obligatoria subditorum, ideoque non per datum primum, sed per actum secundum regulandi, measurandi, obligandi, ad quod intrinsecè pertinet promulgatio, constituitur.

Objicies tertio. Lex est actus prudentiæ, stantis in Principe; sed actus prudentia secundum suam essentiam & rationem formale complete habetur in actu intellectu practici dictans aliquid esse faciendum, vel omitendum a omnem promulgationem: ergo lex secundum suam essentiam complete habetur ante omnem promulgationem.

Respondeo. Lex est actus prudentiæ, quis sit imperium politicum actu obligans subditos, concedo; alius quicunque, nego: sed actus prudentia, qui tantum est dictamen judicativum de agendo vel omitendi, completere habetur ante promulgationem, concedo; qui est dictamen imperativum actu obligans, nego nō, & consequentiam.

Objicies quartò. Datur lex etiam promulgatione non existente: ergo non constitutivus per promulgationem. Antecedens probatur primo, quia promulgatio est actus transiens, quo transacto permanet virtus & efficacia legis. Secundò: quia datur lex æterna, cum tamen promulgatio tam divinæ quam aliarum legum non nisi in tempore coepit.

Respondeo negando antecedens. Et primam probationem distinguo. Promulgatio est actus transiens actu, concedo; tam actu, quam virtute, nego: remanet quippe in effectu à se relatio, v.g. signo, scripturâ, memoria, moribus hominum. Secundam probationem distinguo. Datur lex æterna ante promulgationem, quæ sit ab æterno sub inadequata & inchoativa ratione legis, concedo; sub adequata & completa ratione legis, nego.

Colliges ex dictis. Quomodo concordant sint duo axiomata in speciem opposita, quorum uno dicitur, *leges prius condit, quam promulgari, altero, leges instituti, cum promulgantur.* Nam primum procedit de lege solum inchoative & inadequatae sumpta, pro regula aptitudinali; alterum vero procedit de lege completere & adequatae sumpta pro regula actuali, habente formalem efficaciam obligandi.

DISPUTATIO XXXII.

DE

Lege æterna, & naturali.

Intra prima & potissima membra, quibus Lex dividitur, ponit solet lex æterna, & naturalis, quamvis non sint membra secundum philosophicum rigorem usquequaque distincta; eum Lex naturalis, ut in decursu patet, formaliter accepta à lege æterna non distinguitur. Utriusque in hac Disputatione naturam, subjectum, materiam & proprietates inquirimus.

ARTI.